

Ц1усса 2017 шиначал!



Ассаламу аьлайкум, дустал

ХХЯХХА БАРГЪ

Лакрал райондалул жамятийсса ва сиясийсса кказит

«ЗАРЯ»

Нюжмар

30 декабрь

2016 ш.

№ 1

gazetazary@mail.ru

Х1урмат лавайсса райондалул жамят!

Оьрмулун духлай дур 21-мур аьсрулул 17-мур шингу. Ц1ушинал бухк1уллий, ц1у-ц1усса хияллашал «Лакрал район» МР-данул администрациялул ва ттула чулуха, зун ххирасса миллат, ч1ат1ий ура яла язими ххуйшивуртту ва ххаришивуртту, талих1рал къапурду т1ит1аву ва дак1нил хияллу дувзрайн букваву.

Жува щалла дуняллийх ц1а дурксса миллатрал Буттал улча буруччултру!

Жува жула буттахьал, буттал-буттахьал ссих1 бигьлай, уздан буллай, буручлай бивк1сса оьрмулул кюру хьиннува гьели бавриха зузимиру.

Му бюхттулсса ц1а шяв къадишин, хьиннура яргну дачин дан жула цинявннал х1акьсса буржри.

Барча буллай ура райондалул циняв агьалий, дяввилул ва зах1матрал ветерантал, къуллугьчитал ва интеллегенция, жагьилтал ва дуклаки оьрч1ру, ризкьичитал ва къурнил зузалт, ишбажаранчитал ва пишакартал Ц1усса 2017 шиначал! Дак1нил мурадирттайн биллай, гьарца иширттаву т1айлабац1у хьанай т1айла дуккан нясив баннав ва шингу.

Жушала ц1усса шинавун буххан нясив къабуминналгу рух1ру Алжаннул ххари даннав!

Хьуни-хьунисса хьхьич1уннайшивуртту райондалий дан бювхьуну, миннуя пахрурду буллай бакъанугу жула агьалинал багьу-бизу ххуй бансса, маэшат лавай бансса давуртту цин лархьхьусса дан бювхьунни. Миннуха зузиссару ва зунт1иссару, х1исавравун ласласиссару жамятирттал мурад -т1алавшинну, хьхьич1 базилух ххуттавун бичинмур.

Ц1усса шин ххуй -ххуйсса, ц1у-ц1усса хияллал дайдихьу духьукун хьинмунин букканнав гьарцаннал дак1ниймур.

Ю.Х1.Мах1аммадов, «Лакрал район» МР-данул бак1чи.

Х1урмат бусса кказитрал дувстал, кказит буккулт ва подписка дувулт, макьалартту чичулт! Дак1нихтуну барча буллай буру зу оьрмулуну ша лавьсса 2017 шиначал.

Зул к1унттихьсса магьиршиврул къаламрайну, пикри-зикри, пишалул къюлт1шивуртту, ас-намусрал лишанну, законнаву ц1умур, тарихраву бюхттулмур чивчуну агьалинал хьхьич1ун буккан баву, пикри к1ибач1аву, цаманал чивчумунил мягна лаласаву - му хьунмасса пагьму-гьунарди, за к1улшивур, дак1 аьчухшивур, халкь ххирашивур.

Миллатрал мазралгу, кказитралгу нах1ушиву, мурадру ва буруккинтру ч1алач1аву, ч1арав бац1аву чумартшиврул, ляхьху кюру, мунил вилах дуруччаврил аслийсса лишаннури, дугьришивури.

Барачатшиву, нах1у-х1алашиву, буллугьшиву ва талих1 багьаннав зул кулпатирттавун, зун ххираминнал ва зу ххираминнал ужагьирттайн Ц1усса шинаву!

Ц1усса ххаришивурттая, даврил т1айлабац1урдая ххарину битаннав!

«Ххяхабургил» редакция.

Х1урмат лавайсса агьалий!

Барча хьуннав, барачатну дурк1ун лякьиннав ялун дирсса 2017-мур шин. Му зул къатравун духханнав буллугьшиврушчал, хьинбалдаращал, талих1ращал.

Ц1уллусса чурхругу, марц1 пикрирдугу, чаннасса зул симаннугу тач1ав гьав къалаганнав!

Зул вакилтал, варистал х1исаврайгу, укунмагу жу буржлувсару зул оьрмулул т1ин-т1ааьн, маэшат ххуй бавриха, зул мурадру щаллу бавриха зун.

Дак1нил хияллу щаллу хьанай, рах1атну гьаннав, Ц1усса шин.

Зул х1урматрайсса Ш.ЩУРПАЕВ, райондалул Собраниялул председатель.

Ц1ушинал бухк1уллий

Каши дуну битаннав

ч1арав бац1улт!

Жунма ч1алай бур ц1ана дуняллий ци зах1матшивуртту, дявирду, чапхун-чишивуртту дуссарив. Жула билятрай, мукунна республикалий, кризисрац1ун, санкциярац1ун дарх1усса ч1ярussa дайшишурду, арцул ссуссукушивуртту, къанатшиву хьунна хьанай духьурчагу райондалул 2017 шин хьунадакьлай бур лич1и -лич1исса сферардаву цин лархьхьусса ккаккиартту хьуну. Вана гьашинугу райондалул зунттал районнаву бувгунни 3-мур к1ану. Цимилгу бувгьуна 1-мур ва к1илчинмур к1анугу.

Райондалий каялушиву дуллалиминнаша бювхьунни агьалинал багьу -бизу-

лул, оьрму бутаврил шарт1ру ххуй дансса давурттавух спонсортал, кумагчитал х1ала бакьин, бюджетрал арцуин къавшуну диялсса давуртту дан.

Мукун К1ямашрал шяраву бунни 200 бак1 гьаттарал буч бан хьунсса шарт1ру дусса цех. Мукунмасса 100 гьаттарансса цех бувну бур Кьукуннал СПК-луву. Мува СПК-луву къутаннай шингу дурцуну ппиринж бугьансса чекру х1адур дуллай бур. Гьунч1 укьат1рал къутандалий Сиражуттин Чавтараевлул КФХ-лул дунни 50 оьлинсса ферма. Райондалул экономика ларай давриву цала лайкьсса

(Ахир 2 лаж.)

Х1урмат лавайсса даврил уртакьтал!

Жула ялун дирсса Ц1уссашинал дайдихьулий зу, жула яла хьунмур ххазина -дуклаки оьрч1ан к1улшивурттал къапурду т1ит1лат1ими, зу, жула буттахьал, буттал-буттахьал, миллатрал ц1анихьсса ирс буруччинну ялун нанисса ник тарбия дуллалими, зу, жула ч1ивит1ухьул ттюнгда буллай, най бунува жамятраву, цивппа кунминнаву зана-къулу хьанан лахьхьин буллалими, зу, дуккаврил идарарттай ликкурттай бавц1уну оьрч1аха къуллугь баврил шарт1ру дуруччачими дак1нихтуну барча буллай ура 2017-мур шин дайдишавришчал.

Ч1ат1ий ура зул, зах1матсса ва хьинну жаваблусса, ккаккиарттал ххари буллалисса давурттай, хьуни-хьунисса т1ит1аларду, т1айлабац1у. Ужагьирттай талих1 ва тирхханну.

Дуллалимур дувзрайн дуккаву, дак1нил мурадру барт лагаву, буллугьсса, лахьисса оьрму!

Явсуца Х1АМЗАЕВ, УО-рал начальник.

Каши дуну битаннав чIарав бацIулт!

(Дайдихъу 1 лаж.)

БутIа бихълай бур Инишрал, ГьунчIукъатIрал, Къубиял, Ури -Мукъардал ва цайми СПК, КФХрду. Гьаши-ну къутаннал аьршарай дургьунни 400нин дирсса гектарду ппиринжрал, ххуйсса бакIлахьругу ларсунни.

Тамансса давуртту хьунни шярваллавусса агъалий шинал шаллу баврил, ххуллурду баврил ва бакьин баврил цIанийсса.

Масала, Хьурхьив 2км. шинах-хуллурдал дакин дунни, Гьумук -5км., Кумав -2км., ЧIарав -1км.

Капитальныйну бакьин бувссар Гьумучату -КIулушацIунсса, ВицIхьату -КIундивсса, Щарату -Хьурхьивсса, Гьумучату -Хьунавсса, ШавкIрату -ТIулизмавсса -ГьувкIравсса, Хьунату -Ттурцив -Лахьирив -Кьурлавсса, Хьурхьия -Хьуннахьхьунсса ххуллурду.

ЧIалансса хьхьичIуннайшивуртту хьанай дур райондалий дуккавил, спортрал иширттаву. Жула дуккавил управление республикалулминнуву яла хьхьичIунми ацIунни-вун багъаву, жула школартай дуклаки оьрчIал личIи -личIисса олимпиадарттай, конкурсирттай хьхьичIунсса кIанттурду бугълагьин хьанаву пахру бан, ялун бучIантIимур бусса ккаккьярттури.

Мива шярвучувтурал, чIаравбацIултрал кумаграйну Щарав ва

Хьурхьив бунни ххаллилсса даражалул футболлай буккай майданну. Волейболлай ва футболлай буккай майданну бунни мукунма Гьумук. Цалачала шярваллаву низам, аьдлу-къадагъа дачин дан, жамьтран къулайшивуртту дан чялиш бувксса, жамьтрал ишккаккул хIала бакьин хIарачат буллалисса шярваллал бакIчитал къачансса бур жула. Райцентр-данул къайгьурду бакIраин лавсун дакIнихтуну шуруй ур шярваллил бакIчи МахIаммад ХIусниев.

Спортрал иширттаву тамансса хьит учаву хьанай дур. Хьинну ххуйну тIайла дурккунни райондалий цIанихсса волейболист Нуруллагь Оьмаровлун хьхьисса волейболлай буккавил турнир. ДЮСШ-лий вардиш хьанавхьисса оьрчIу райондалул, республикалул къатIув хьанавхьисса соревнованиярттай гьуртту хьанай, хьхьичIунсса кIанттурду бугълагьин ишру бур. Мукун, Нальчик шагьрулий хьусса, шала Аьрасатнал даражалийсса лачIун буккултрал турнирданий Ханов Иманайлил бувгьунни 1-мур кIану.

ЛичIи -личIисса спортрал иширттан ка-кумаг буллалисса, чIарав бацIлацIисса ишккаккулт бушавугу ца ххари хьунсса хIуччар.

Медициналул иширттая учирча цамур даражалин кIура бавунни Гьумуксса больница. ЛувчIин къат-

рая байбивхьуну гьарца мурцIний ххаллилсса ремонтру давришчал, шамулчинмур зиву ва цимирагу цIусса строительстволул давуртту дунни ва дуллай бур. Больничалий марцIшиву, къашайшалан аьркинсса шартIру, низам тачIав къадиркIсса куцуйсса дур.

Хьурдай тIий бивкIсса, «Солнышко» тIисса оьрчIал къатлул гьели буллай, школалин хIадур буллай бур 60 хьул оьрчIру. Мива чIарав бацIултрал кумаграйну хьулу чIавахьултту цIу бувну, цайми ремонтрал давуртту дурну ххуйсса даражалин дагьунни Гьумучиял школалул ва ясли-садрал къатри. Гьумучиял ядигар - Хьунбяр чIявучил тамаша байсса, бигъа лагайсса, чаннахьайсса даражалин багьну бур.

Гьай-гьай, дур сукку хьурчагу къуртал къархьусса инсаннал чала масала, 450 кIантунсса хьатIив бай зал, миккува 18 инсаннансса гостиница, Ккурклив буллалисса ятту-гьаттара биххайсса, дикIуя цайми продукция дайсса цех, БахIикIлав буллалисса туристурал база, ВицIхьав бантIисса ГЭС, Буршай бантIисса туристрансса къатри ва м.ц.

Умудрай буру ялунчIил Гьумук буллалисса 600 дуклаки оьрчIансса школагу, гихунмай мунилва чIарав буллалисса 50 тахлинсса больницагу банссар тIий.

Каши дулуннав, даража лавай хьуннав жула райондалул маэшат багьу-бизу лавай бавриха чялишну зузиминнал, чIарав бацIулт, кумагчитурал.

ОВД баян буллай бур Операция «Буржлувма»

Лакрал ва Ккуллал райондалул жамьтрачалсса аралува ца захIматну бацIлацIисса масъала бур бур арцул бурж къалахьаву. ЧIярусса хатирлиявуртту, питнарду, аьлагъужарду, хIатта преступленияртту хьанай дур агъалинал цайваасса арцул бурж къалахьаврицIун дархIусса. Гражданиннал ва влаьстрал дянивсса аралува бурж къалахьаву танмихI бан багъайсса масъалану бацIлай бур, цуппагу аьчIа дишаврийну.

РД-лул Виваллил иширтталсса буллалисса Министерстволул дурсса, административный штрафру дулун буржлувминнал ми лахьаврил анализрайн бувну, чIалан бивкIунни, цаппара агъалинал цайваасса буржру лахьаву хьинну хьхьарану душиву. Ва масъала сантирайн бутлай Дагьусттан Республикалий декабрьданул 19-ния декабрьданул 28 хьуннин най буссия комплексныйсса профилактикалул операция «Буржлувма» (Должник) тIисса.

Мунин бувну агъалинал кIулу бикIан аьркинссар штрафру къалахьарча цукунсса танмихI байссарив, административный законодательстволун бувну. Мукун РФ-лул КоАПрал 20, 25 мур статьялул 1 бутIуйн бувну» - Уклонение от исполнения административного наказания» - административный штраф цила чIумал къадулурча, яни Кодекспрай ккаккан бувсса 70 гьантлий къадулурча, административный аьчIа дишин ккаккан бувну бур 1000 къурушрал, ягу 5 гьантлия 15 гьантлийн иянин дуснак ан, ягу 50 сьятрай аьркинсса давурттай зузи ан. АьчIа дишаврил хIукму буллуна гражданиннахьхьун 10 гьантлул мутталай мунаша шайссар аьрзирайтуккан. Обжалование дурну 11 гьантта гьарча дирхьусса аьчIа лахьан аьркинссар 60 гьантлул мутталай.

ХIурмат бусса райондалул жамьт! Агар аьчIа дирхьушиврул хIукму зучIанма бивну бухьурча, тавакьюри аьчIа цила чIумал лахьаву, зува танмихIрахун къабагьаншиврул.

*Г.Ч.МахIаммадов, «Лакский»
отделданул ИАЗрал инспектор.*

ШавкIуллал администрациялий

ЦIусса шин лайкьну хьунадакьлай

Жула райондалул шярваллал администрациярдаву бур 2017 шин жамьтрал багьу-бизу-

чIарав бацIулт шярваллал давурттаву хIала бакьин.

ШавкIуллал шярваллил ад-

сагу, шярвуссагу жамьт хIала бувххун, хьинну лахьисса мантилданий шланг дурцуну, гьагь-

лил бувцIусса бярвусса шин марцI дурунни, цуппа бяргу марцI бувну гьарта бунни. Интту шин итадакьин хIадурну бур.

ШавкIуллал шярвучувнал харжлугьрацIух шярвувунни мюрши оьрчIал площадка.

Хьунмасса барчаллагьрай бур жамьт му даву дан администрациялул чIарав авцIусса, шагьрулий ялапар хьанавхьисса Аьлишаев Файсаллуин. Му даву сакин дан хьунмасса хIарачат бунни райсобраниялул депутат



лун, маэшатран, къулайшиврун мунопатсса давуртту ссайгьатну дуллуна хьунадакьлакьиссагу.

Масала, ШавкIуллал шярваллил администрациялул бакIчину Абасов Рамазан увчIуния мукъах, ШавкIуллал, ТIулизуннал, ГьукIурдал шярваллаву дурсса давурттайн бувну барчаллагьрай бур жамьтру.

Мукунсса чагьар редакциялин бувкIунни жамьтрал чулуха. Рамазаннуша бювхьуну бур жамьт лагма лаган бан, иш нанисса, каши дусса жамьтирттал

министрациялул ва бакIчину увчIуна 2015 шинал октябрьданий. Мура шинал цащала, ГьукIурдал жамьт хIала бавкьуну ГьувкIравсса ххуллу бакьин бувна. Шярваллил администрациялухьсса къатрал хьулу-чIавахьултту цIу бувну, ххуйсса ремонт дуруна. Шагьрулийс-



Юсуп Шайамировлулгу.

Уттигьанну цIубувну бакьин бунни ТIулизмав, ГьувкIрав нанисса хуллурдал парчри.

ХIасил, хIакьинусса кьини шярваллил администрация жамьтрал, шярваллал къайгьурдаха шурушаврия агъалий рязину бур. Ванияр шихуннай дуллансса давуртту хIисавравун ларсун дур. Кабакьиннав цахьхьун жамьтраха зун. ЦIусса шинаву хьиннура ларайсса ккаккьяртту хьуну ккакканнав!

Цушинал аьдатру

Байрандалул хьхьуну Кятайнаву кьатри члюлу байсса бур кипарис мурхьирал ва сосналул кьартрай.

Кореянаву Цусса шин дучланнин чарабакъа буржу лахъан хларачат байсса бур.

Ираннаву Цушинал хьхьичисса арвахI кьини кличирттаву кьувтIив бивчун, миннул ялтту тIанкIа тIун бикIайсса бур.

Таиландрай - цусса костюмуру дуруххайсса дур ва чIавахьулттава ххуллийх наминнайин щинал бувцIусса целофандалул пакетру бичлан бикIайсса бур.

Свазилендрай Цушинал байрандалиин биххайсса бур лухIиссак кьача (ягу лухIисса кьяца, лухIисса ажари).

Вьетнамнаву ва байрандалиин микку-тиккун кьутIайсса дур тIутIайх дирчусса цулитул кьартри, хьхьудяризалив цу шайсса дур тIаансса кьанкь дуккан дайсса кьартрайн.



Ча дуркссар му аьдат?

Баргъбуккавал билаятрай гьарца шинан дирзун дикIай чания-ца хIайвандалун цIа. Му аьдат дурккун дур Японнаву.

Бусалалин бувну, ца чIумал Цушинал хьхьуну Буддал оьвкуну бур цаIанма хIайвантрайн, жанавартрайн, бувкIмунин бахшишругу дулунна, шиннугу пишкеш данна, куну. БувкIун бур: кIулу, бугъа, цIиникь, бюрх, аждагъа, шатта, чу, тта, маймун, ажари, ккаччи ва вацIул дунгъуз - клицIавгсса ирглий вай ацIния кIива хIайван. Му ирглий миннун пишкеш дурну дур шиннугу.

Баргъбуккавал билаятирттал аьдатрай, ялун нанисса цусса шин дур - Ажарттул шин.



Разработка дизайнов www.basov.com.ua

JANUARY

Пн	Вт	Ср	Чт	Пт	Сб	Вс
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30	31					

FEBRUARY

Пн	Вт	Ср	Чт	Пт	Сб	Вс
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	

MARCH

Пн	Вт	Ср	Чт	Пт	Сб	Вс
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30	31					

APRIL

Пн	Вт	Ср	Чт	Пт	Сб	Вс
						1
						2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30

MAY

Пн	Вт	Ср	Чт	Пт	Сб	Вс
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30	31					

JUNE

Пн	Вт	Ср	Чт	Пт	Сб	Вс
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30	31					

JULY

Пн	Вт	Ср	Чт	Пт	Сб	Вс
						1
						2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30
31						

AUGUST

Пн	Вт	Ср	Чт	Пт	Сб	Вс
						1
						2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30
31						

SEPTEMBER

Пн	Вт	Ср	Чт	Пт	Сб	Вс
						1
						2
						3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	

OCTOBER

Пн	Вт	Ср	Чт	Пт	Сб	Вс
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30	31					

NOVEMBER

Пн	Вт	Ср	Чт	Пт	Сб	Вс
						1
						2
						3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	

DECEMBER

Пн	Вт	Ср	Чт	Пт	Сб	Вс
						1
						2
						3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31



Дякъл Таттал уссурвал

Цияннан кIулли Дякъл Таттайн Аьрасатнаву учайшиву Дед Мороз. Цукунсса дур ванал цIарду цайми билаятирттай?

США-наву ванайн учай Санта-Клаус, Турциянаву - Папа Ноэль, Голландиянаву - Синти Клаус, Франциянаву - Пер Ноэль, Дагъусттаннай Замгьар - Татта.

Навалу

Ва ци паимансса хIазри -
Хьхьунил кьюкIсса оьвчаву?
Аьраттал буллай пикри,
Мурчардилгу бахчаву.

Агь, ва хьхьугу дассанссар
КIусса буруккинттаву,
Ттул аьтIаву личIансар
РухI дакъасса чIирттаву.

ЧIумул ххуллурдай тIамIав
Гьирардугу, усругу,
Лажьисса хьхьурдай учав
Паимансса пIанIругу.

БагьтIамI хьусса кIулилий
Панасса дардисанну -

ХIАСАН КIУРУХОВ

Уравав на дунгьаллий
ЩинчIав бусравну, санну?

КIяла чагьардал ацIлай,
КIяла хьуссарав тти на,
Чаннал ва цIаннал лицIлай,
Лавгссарав, оьрмуи, ина?

Чанна чIанIал марцIшиву
Чаннанура дур личIлай,
Ларгунни жагьилишиву
Кьювурдал макIру личIлай.

Так цанни чIюхлахисса
ттигу оьрмулук мякъ ан,
ОьрчIнийра дакIний лирчIсса
Ниттил балайлул макьан?

Учредитель:
Администрация
МО «Лакский
район».
Учредитель:
«Лакрал район»
МОулл
администрация

Главный редактор
М. М. Мусалаев
Ответственный
секретарь
К. М. Курбанов
Корреспондент
Кь-И. Амиров

Опер. комп. набора
Р. И. Джалаева
Тех. редактор
А. М-Р. Абакаров

Адрес редакции
368360
Республика
Дагестан
Лакский район
с. Кумух

Газета набрана
и сверстана на компью-
терной базе редакции
газеты «Заря» и
отпечата-
на в ГАУРД «Издатель-
ский дом» «Дагестан»
Адрес:
г. Махачкала
Пр. Насрутдинова, 61.

Срок подписания
в печать 17.00
Подписано в 16.00

Газета выходит
в неделю 1 раз.
Тираж 707 экз.
Цена 2 руб.

Газета зарегистриро-
вана Региональным
управлением регистра-
ции и контроля за
соблюдением законо-
дательства РФ о СМИ
и печати в РД Гос-
комитета РФ по пе-
чати.
Регистрационный ПИ
№ 104561.
Позиция редакции
может не совпадать
с точкой зрения ав-
торов, которые несут
ответственность за
достоверность о объ-
ективность представ-
ленных для публика-
ции материалов.

**СОБРАНИЕ ДЕПУТАТОВ
МУНИЦИПАЛЬНОГО РАЙОНА «ЛАКСКИЙ РАЙОН»
РЕСПУБЛИКИ ДАГЕСТАН
РЕШЕНИЕ**

от 22 декабря 2016 г. № 54
двенадцатого заседания депутатов МР «Лакский район»
Республики Дагестан шестого созыва

Собрание депутатов отмечает, что в результате проводимой Администрацией МР «Лакский район» за последние три года оптимизации структур бюджетной сети, а также штатов и численности работников фонд оплаты труда по состоянию на 1.12.2016г. сократился на 15 млн. руб.

Это, не считая уменьшения фонда оплаты труда структур бюджетной сети федерального и республиканского подчинения. Несмотря на уменьшение фонда оплаты труда, план по НДФЛ за 3 года почти не изменился, а на 2016 финансовый год увеличился на 500,0 т.р.

За 2015 г. МР «Лакский район» план по местным налогам и сборам выполнен на 94,5 %. И это связано с невыполнением плана по НДФЛ на 12,6 %. (план 28080, факт 24528,8 т.р.), хотя по всем остальным доходным источникам планы выполнены и перевыполнены. По состоянию на 1.12.2016г. в бюджете МР «Лакский район» поступление по НДФЛ составляет 23135 т.р. или 81,1 процент (план 28524).

Собрание депутатов МР «Лакский район»

РЕШИЛО:

В связи с невозможностью обеспечения выполнения плана по НДФЛ из-за уменьшения ФОТ бюджетной сети:

1. Уменьшить план по НДФЛ на 2016 год на 1,8 млн.руб.
2. Начальнику финансового управления МР «Лакский район» (Амирановой А.С.) сократить бюджетные обязательства на 2016 год на 1,8 млн.руб.

Председатель Собрания Ш.Г. Шурпаев
Глава МР «Лакский район» Ю.Г. Магомедов

**СОБРАНИЕ ДЕПУТАТОВ
МУНИЦИПАЛЬНОГО РАЙОНА «ЛАКСКИЙ РАЙОН»
РЕСПУБЛИКИ ДАГЕСТАН
РЕШЕНИЕ**

от 22 декабря 2016 г. № 55
двенадцатого заседания депутатов МР «Лакский район»
Республики Дагестан шестого созыва

О внесении изменений в бюджет МР «Лакский район» на 2016г. Рассмотрев проект «О внесении изменений в бюджет МР «Лакский район» на 2016г.», Собрание депутатов муниципального района

РЕШИЛО:

1. На основании уведомления Министерства образования и науки РД №24 от 10.11.2016года уменьшить расходы МКУ «УО» на выплату пособия детям сиротам и детям оставшимся без попечения родителей на 178934р.
2. На основании уведомления Министерства образования и науки РД №24 от 22.11.2016года уменьшить расходы МКУ «УО» на выплату единовременных пособий при всех формах устройства детей в семью на 34040,82р.
3. За счет уменьшения расходов по госстандарту общего образования следующих образовательных учреждений района:

МКОУ «Кумух СОШ»	112- на 6,8т.р.
112- на 27,8т.р.	МКОУ «Щара СОШ»
МКОУ «Хурхи СОШ»	112-на 10,0т.р.
112-на 12,0т.р.	МКОУ «Хулисма ООШ»
МКОУ «Унчукатль СОШ»	112-на 8,0т.р.
111-на 354,2т.р.	МКОУ «Ури ООШ»
112-на 9,2т.р.	111-на 78,0т.р.
119 -на 154,7т.р.	112-на 8,8т.р.
МКОУ «Куркли СОШ»	МКОУ «Чукна НШ»
112- на 12,3т.р.	112- на 0,4т.р.
МКОУ «Куба СОШ»	МКОУ «Мукар НШ»
112- на 8,0т.р.	112-на 0,4т.р.
119 на 156,2т.р.	МКОУ «Гуйми НШ»
МКОУ «Кара ООШ»	111-12,7т.р.
111- на 38,2т.р.	112-на 0,4т.р.
112 -на 4,4т.р.	119-на 4,5т.р.
МКОУ «Кунды СОШ»	244-на 11,7т.р.
112- на 7,2т.р.	МКОУ «Иниша НШ»
МКОУ «Шовкра ООШ»	112- на 0,3т.р.
112-на 7,2т.р.	Увеличить расходы по гос-
МКОУ «Чуртах ООШ»	стандарту общего образования
112- на 6,8т.р.	следующих образовательных
МКОУ «Кума ООШ»	учреждений района:
112-на 6,0т.р.	МКОУ «Кумух СОШ»
МКОУ «Караша ООШ»	111 -на 660,0т.р.
112-на 5,2т.р.	МКОУ «Щара СОШ»
МКОУ «Хуна ООШ»	119-на 200,0т.р.
111-на 256,4т.р.	МКОУ «Хурхи СОШ»
112-на 10,0т.р.	111-на 144,1т.р.
119-на 110,3т.р.	МКОУ «Шовкра ООШ»
МКОУ «Хури ООШ»	111-на 324,0т.р.

4. За счет взысканных ФО за нецелевое использование бюджетных средств в сумме 2,3т.р., увеличить расходы администрации МР «Лакский район» на 2,3т.р. для погашения процентов за 2016год по бюджетному кредиту.

5. Администрация МР «Лакский район» на основании уведомления Министерства сельского хозяйства и продовольствия РД №16 от 5.12.2016г. увеличить расходы на 282520р., на осуществление переданных государственных полномочий по подготовке и проведению Всероссийской сельскохозяйственной переписи 2016года.

Председатель Собрания
Глава МР «Лакский район»

Ш.Г. Шурпаев
Ю.Г. Магомедов

Магьирлугьрал школалул оьрму

Ххариссару ккаккирттая

Ххуйсса ккаккиртташчал, республикалул лагрулий райондалул цIа бюхттул дансса даражаллий хьунадакьлай бур 2017 шин Марьян Дандамаевал цIанийсса Гьумучиял искусстволул школалул коллектив.

Мукум, 2016 шинал апрель зуруй хьусса «Лакрал кьавтIаву» тIисса номинациялуву, республикалул хореографиялул магьирлугьрал конкурсрай «Гьази-Гьумучи» ансамбльданул хьунмур группалул бувгьунни 1-мур кIану. Гран-при ларсунни чIавамур группалул.

Сентябрьданий хьусса «Тгул Дагьустан» тIисса, цIанихну буккултурал республикалул конкурсрай магьирлугьрал школалул оьрчIру гьурту хьуну диплому лавсунни.

Октябрь зуруй Буйнакск шагьрулий хьусса «Очаг мой - Дагестан» тIисса конкурсрай халкьуннал инструментру бищай отделениелий вардиш хьанахьисса оьрчIал 1-мур кIану, хореографиялий 1-мур ва вокал-даний 2-мур кIану бувгьунни. Ноябрь зуруй МахIачкьалалив хьусса «Очаг мой -Дагестан» тIисса конкурсрай халкьуннал музыкалул инструментру бищай отделениелул оьрчIал бувгьунни 2-мур кIану, хореографиялий 3-мур кIану.

Декабрь зуруй хьусса, «Наши Надежды» тIисса региондалул музыка бищутрал 17-мур фестивальданийгу вара отделениелий вардиш хьанахьисса оьрчIан буллунни диплом.

ЧIарусса шиннури Гьумучиял магьирлугьрал дуклаки оьрчIру районнал, зонардал, республикалул, халкьуннал дянивсса лагрулул конкурсирттай гьуртту хьанай ва хьхьичIунсса кIантурду бугьлай.

«Гьази-Гьумучи» ансамбль гьарца шинал гьуртту шайссар Дуккавил, Культуралул министерствардал республикалий дуллалисса конкурсирттай, чIяруну хьхьичIунсса ккаккирттугу шайссар.

Ванияр тихунмайгу школалул лавсун нанисса бусравсса ирс буручинсса хIарачат банну.

Барча буллауи ура циньявпагу райондалул агьалий, магьирлугьрал школалул шалагу коллектив, дуклаки оьрчIру ЦIусса шинашчал. ЧIагIий ура цIуллушиву, талихI, тирхханну, творчестволул хьхьичIуннайшивуртту.

М.Хьуньуттаев, магьирлугьрал школалул директор.

ЦIушинна

Зузи кIанттай нигьачIаву къадикIаншиврул

2016 шинал ахирданинин Аьрасатнал захIматрал иширтталсса буллалисса министерстволул дахханашивуртту дан тIий дур РФ-лул ЗахIматрал кодексраву.

-Экстремальныйсса ва заралсса кIанттай зузими буруччаврил даража лавай бантIиссар. Масала, жу буру экстремал шартIурдий зун багьайсса давуртту дура дукьан дан ччай, -увкунни РФ-лул Минтрудрал зам. Григорий Лекаревлул шалагу Аьрасатнал совещаниялий.

Гьалбатта, му къабагьайссар ялячиIисса ишру хьун бюхьайсса давурттайн, цайми ххассал буллауи цала оьрму нигьачIисса зузалттайн. Масала, пожарниктал. Укуннансса производстворду ласурча жун ччай бур зузала къазузи ан даву дулул му уруччинсса шартIру шаллу къадурсса кIанттай. 100% нигьачIаву духлаган дан къахьунссар, амма му яла чIиринин диян дан хьунтIиссар.

Мукунна ххи дантIиссар захIмат буруччавривусса зузалал агьанми ихтиярду ва буржу.

Махьсса 10 шинай Аьрастанаву производволий хьусса апатIру, цIунцIияртту, литIавуртту чан хьанай дур. 2006 шинах бурувгун ми чан хьуну дур кIилину. 2015 шинал производволий литIуну бур 2089 инсан, 2006 шинал 2,2лину чанну.

Ми чан шаврил сававну Григорий ккаккан дуллауи ур производволул травмарду, къашайшивуртту чан дансса ххуллурду ласласаву, Мукунсса давуртту давудулултрал дуллалиссар страховой взносирттайхIин. Ми арцу цирдагу ялу-ялун чIяру дуллалиссар. Ларгсса шинал давудулултрал зузалт страховат бан 9 миллиард харж бувссар. Миннуяра медициналул хьирив лаявуртту дан, санаторий -курорттирттайн гьан, захIмат буруччаврил кIулшивуртту ласун, инсаннал захIмат буруччинсса къай-къуй ласун.

Мунишала, шиная шинайн производволул травмарду чан хьанарчагу, заралсса, нигьачIисса шартIурдий зузими чан хьанай бакьар. Махьсса шиннардий му тарих гьаз хьунни 39,7%-рал. 2014 шинал апрельдания байбивхьуну 13 млн. зузисса 9 млн. зузи кIанттул тагьар ххалдуркун чIалан бивкIун бур 70%рай циньявнува зун бучIину аьркинсса къараллу дурурчусса бушиву.

Мува куцуй Лекарев бувчIин буллауи ур Минтрудрал ккаккан дуллалисса дахханашивуртту шаллу дулланшиврул «Безопасный труд» тIисса, 2018-2025 шиннардинсса ПаччахIлугьрал программа сакингу дурну, биттургу дуллан багьлагишиву.

ЦЗН